



Inatsisartunut ilaasortaq Aqqalu C. Jerimiassen
Inatsisartut
Inatsisartut@inatsisartut.gl

Taxanik angallassisarneq pillugu § 37 naapertorlugu apeqquteqaammut 2024-249-mut akissut

Asasara Aqqalu C. Jerimiassen

Inatsisartut suleriaasianni § 37 naapertorlugu taxanik angallassisarneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlugit.

Ulloq: 16-01-2025
Sullap nr.: 2024 - 24500
ID. nr.: 95858574

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Aqqusinikkut angallannermi qernertuliorluni akuersissuteqarani ilaasunik angallassisarneq naalakkersuisut qanoq iliuseqarfiginissaanut pilersaaruteqarpat?

Akissut: Inuussutissarsiutigalugu inunnik angallassisarneq, ilanngullugu taxanik angallassineq, aqqusinertigut angallannermut suliassaqaarfiup, naalagaaffimmit susassaqaarfigineqartup aammalu Namminersorlutik Oqartussanit akisussaaffigilerlugu tiguneqarsimangitsup, ataaniippoq.

2008-mi kommuninik aqqissuusseqqinnissaq sioqqullugu taamanikkut kommuniusunut taassuma atuutsinneqalersimanera pissutigalugu, siusinnerusukkat taxa-nik angallassisarneq pillugu politiinut nalunaarut atuukkunnaartoq, Færdselsstyrelsen aalajangiivoq. Suliassaqaarfiup sapinngisamik piaarnerpaamik maleruagassiivigineqaaqilernissaa siunertaralugu, taamaaqataanik imalimmik nalunaarummik atuutsitsilertoqarnissaa pillugu angallannermut ministeri Thomas Danielsen qinnuigaara.

Angallannermut ministereqarfik nalunaarummut missingiummik suliqaarpoq, taannalu 18. november 2024 killissaritinneqarluni tusarniaassutigineqareerpoq. tusarniaanermut akissuteqaaterpassuit, nalunaarutip ilusilerneqarnera pillugu erseqqinnerusunnik isumaliutersuuteqarnissamut pissutissaqalersitsisut tiguneqarsimasut, aammalu ministereqarfiup akissuteqaatit suliarileruttorai, Angallannermut ministereqarfik paasissutissiivoq.

Apeqqut 2. Nunani allanitut taxaangitsunik angallassisoqarsinnaalissappat suna aporfua??

Akissut: Taxanik angallassineq pillugu nalunaarummut missingiut Angallannermut ministereqarfiup suliarisimasaa naapertorlugu taxaatillit kommunimut akuersissummik peqartussaapput aammalu taxat, taxatut nalunaaqutserneqarsimassasut. Inniminniinerup qarasaasiatigut ingerlanneqarnissaa akornutissaqanngilaq.

Apeqquut 3. Inuussutissarsiortut namminersortut inangeriartuaarneqannginnissaat piniarlugu naalakkersuisut pirattaxat pillugit akiorniarnissaannut suut aallaavigisinnaavaammita?

Akissut: Angallannermut ministereqarfiup nalunaarutaa atuutilertussatut naatsorsuutigineqartoq atuutilerpat, politiit taxartartutut allagartaqaratik angallassisut eqqartuussivikkut malersorsinnaalissavaat.

Neriuutigaara matuma siuliani allassimasuni apeqqutitit akineqartut.

Inussiarnersumik inuulluaqqusillunga



Hans Peter Poulsen